

Na osnovu članova 100. stav (3), 25., 70. stav (3) i 71. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i člana 16. stav (1) Internog pravilnika o javnim nabavkama Općinskog suda u Bihaću na preporuku Komisije za nabavku, predsjednik suda dana 30.07.2024.godine donosi

ODLUKU

po žalbi i izboru najpovoljnijeg ponuđača u postupku javne nabavke roba- nabavka i ugradnja lifta za potrebe Općinskog suda u Bihaću

Član 1.

USVAJA SE kao osnovana žalba ponuđača „EURO PROST“ d.o.o. Gračanica izjavljena na Odluku o izboru najpovoljnijeg ponuđača, broj: 017-0-Su-24-000529 od 16.07.2024. godine, u Otvorenom postupku, broj: 017-0-su-24-000529 – Nabavka i ugradnja lifta za potrebe Općinskog suda u Bihaću.

Član 2.

Najpovoljniji ponuđač za nabavku i ugradnju lifta za potrebe Općinskog suda u Bihaću izabran u Otvorenom postupku, broj: 017-0-Su-24-000529, je:

„EURO PROST“ d.o.o. Gračanica

Član 3.

Ovom Odlukom se zamjenjuje Odluka o izboru najpovoljnijeg ponuđača u postupku javne nabavke roba, broj: 017-0-Su-24-000529 od 16.07.2024. godine.

Član 4.

Zadužuje se Odjeljenje sudske uprave Općinskog suda u Bihaću da u roku od tri dana a najkasnije u roku od sedam dana od dana donošenja ove Odluke, istu dostavi ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

Član 5.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili kopije ovjerene kod nadležnog organa, dokumenata iz člana 45. stav (2) tačka a), b), c) i d) Zakona o javnim nabavkama BiH.

Obrazloženje

Otvoreni postupak javne nabavke roba, broj: 017-0-su-24-000529- Nabavka i ugradnja lifta za potrebe Općinskog suda u Bihaću je pokrenut Odlukom o pokretanju postupka javne nabavke roba, broj:017-0-su-24-000529 od 22.04.2024.godine. Obavještenje o nabavci o postupku javne nabavke i tenderska dokumentacija su objavljeni na portalu javnih nabavki dana 18.06.2024.godine, pod brojem obavještenja 655-1-1-12-3-5/24.

Rok za prijem ponuda je bio 09.07.2024. godine do 9:00 sati, a javno otvaranje ponuda je obavljeno dana 09.07.2024. godine u 9:30 sati.

U krajnjem roku za dostavu ponuda, ponudu su dostavili sljedeći ponuđači:

- | | |
|---|--------------------------|
| 1. „KA BEST group“ d.o.o. Sarajevo..... | 75.500,00 KM (bez PDV-a) |
| 2. „EURO PROST“ d.o.o. Gračanica | 75.000,00 KM (bez PDV-a) |

Dana 15.07.2024. održana je e-aukcija te po okončanju iste najprihvatljivija ponuda je bila ponuda „KA BEST group“ d.o.o. Sarajevo za iznos od 36.900,00 KM bez PDV-a.

Shodno navedenom, Odlukom o izboru najpovoljnijeg ponuđača, broj: 017-0-Su-24-000529 od 16.07.2024. godine, kao najpovoljniji ponuđač u Otvorenom postupku javne nabavke roba – nabavka i ugradnja lifta za potrebe Općinskog suda u Bihaću izabran je ponuđač „KA BEST group“ d.o.o. Sarajevo.

Protiv predmetne odluke ponuđač „EURO PROST“ d.o.o. Gračanica je dana 26.07.2024. godine izjavio žalbu.

Ugovorni organ je, u skladu s članom 100. Zakona o javnim nabavkama BiH („Službeni glasnik BiH“, broj: 39/14), razmotrio žalbu, te utvrdio da je ista dopuštena, blagovremena i podnesena od strane ovlaštenog lica.

Žalba je **osnovana**.

1. Žalbeni navodi koji se odnose na neprihvatljivost ponude ponuđača „KA BEST group“ d.o.o. Sarajevo i održavanje e-aukcije su osnovani.

Tačkom IV 14. k.) tenderske dokumentacije određeno je da ponuda mora saržavati uputstvo za upotrebu na jednom od službenih jezika u BiH (printana ili elektronska verzija)

Opravdano žalitelj ukazuje da je ponuđač „KA BEST group“ d.o.o. Sarajevo dostavio uputstvo za održavanje lifta, a ne uputstvo za upotrebu lifta, što nesporno proizilazi iz sadržaja dostavljenog Uputstva koje se odnosi na servisiranje lifta.

Shodno navedenom žalitelj osnovano ukazuje da je ugovorni organ bio dužan ocijeniti ponudu ponuđača „KA BEST group“ d.o.o. Sarajevo kao neprihvatljivu i eliminisati iz daljeg toka postupka javne nabavke, a čime u konačnici nebi niti bila zakazana, niti provedena e-aukcija.

2. Žalbeni navod koji se odnosi na dostavljanje dokaza kojima se dokazuje lična sposobnost propisana članom 45. Zakona o javnim nabavkama je osnovan.

Ponuđač „KA BEST group“ d.o.o. Sarajevo nije u ostavljenom roku, a koje se računa od dana prijema Odluke o izboru najpovoljnijeg ponuđača, dostavio svu dokumentaciju kojom dokazuje ispunjenost uslova lične sposobnosti iz člana 45. stav (1) Zakona o javnim nabavkama.

Naime, ponuđačima je elektronskim putem dana 16.07.2024. godine dostavljen Zapisnik o pregledu i ocjeni ponuda i Odluka o izboru najpovoljnijeg ponuđača, te je izabrani ponuđač bio u obavezi u roku od 5 dana od dana prijema navedene Odluke dostaviti dokumentaciju propisanu članom 45. Zakona o javnim nabavkama.

U ostavljenom roku pa ni do danas, izabrani ponuđač „KA BEST group“ d.o.o. Sarajevo nije dostavio Uvjerenje Suda BiH kojim dokazuje da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru i ili pranje novca.

Komisija za nabavku, imenovana rješnjem o imenovanju komisije, broj: 017-0-Su-24-000529/1 od 22.04.2024. godine je nakon razmatranja žalbe ponuđača „EURO PROST“ d.o.o. Gračanica ocijenila da postoje uslovi za stavljanje van snage postojeće Odluke o izboru najpovoljnijeg ponuđača u otvorenom postupku javne nabavke roba, broj: 017-0-Su-24-000529 od 16.07.2024. godine, to je pristupila ponovnom pregledu, ocjeni i uspoređivanju blagovremeno primljenih ponuda i utvrdila da ponuda ponuđača „EURO PROST“ d.o.o. Gračanica zadovoljava sve uslove tenderskog dokumenta i ocijenjena je prihvatljivom, dok ponuda ponuđača „KA BEST group“ d.o.o. Sarajevo ne zadovoljava sve uslove tenderskog dokumenta i ocijenjena je neprihvatljivom.

Ponuda ponuđača „KA BEST group“ d.o.o. Sarajevo ocijenjena je kao neprihvatljiva iz sljedećih razloga:

- ponuđač nije dostavio svu dokumentaciju određenu tenderskom dokumentacijom i to:
 - uputstvo za upotrebu lifta
 - Uvjerenje suda BiH kojim dokazuje ispunjenost uslova iz člana 45. Zakona o javnim nabavkama

Na osnovu ukupne ocjene, po kriteriju najniža cijena tehnički prihvatljive ponude, Komisija za nabavku predlaže da se u Otvorenom postupku javne nabavke roba- nabavka i ugradnja lifta, za potrebe Općinskog suda u Bihaću, izvrši izbor društva „EURO PROST“ d.o.o. Gračanica kao najpovoljnijeg ponuđača za ponudu u iznosu od 75.00,00 KM (bez PDV-a).

Obzirom na naprijed navedeno, odlučeno je kao u izreci ove Odluke.

Pouka o pravnom lijeku:

Protiv ove Odluke može se izjaviti žalba ugovornom organu u roku od 10 (deset) dana od dana prijema ove Odluke.

Dostavljeno: Ponuđačima



Predsjednik suda
Aladin Bajrić

Aladin Bajrić